

重印信陽州志

魯青潘岱鍾署

重印信陽州志卷之四

重印校對

羅山黎國華燦然
鄉紳鄭謙穀彥冲

典禮志

先王六官分職宗伯則掌邦禮第歷代典章不無詳畧之異我

國朝世際承平文明大啓崇德報功享祀必周明倫重士科條畢備屬在
郡縣罔弗奉行惟謹焉志典禮

慶賀

萬壽聖節及冬至元旦等令節

前一日於公所安設

龍亭至日五鼓文武各官衣朝衣齊赴立丹墀下文東武西禮生四名贊
引至各拜位贊序班行三跪九叩頭禮畢各退恭遇

皇太后萬壽聖節

皇后千秋令節儀節俱同

接詔

凡

詔書經過及止宿文武各官具鼓樂出城迎接跪于道右候
詔書過方起隨至郵亭設香案供奉

朝使立于案東禮生贊行三跪九叩頭禮易服與

朝使行禮

詔書不進郵亭不行禮至臨行仍具鼓樂出城在道右跪送

鐸教

凡朔日長官率僚屬暨鄉約木鐸老人司約人等至講約所設香案
禮生唱序班行三跪九叩頭禮興退班齊至講所軍民人等環列肅
聽禮生唱恭請開講司講生詣香案前跪恭捧

上諭登臺木鐸老人跪宣讀畢禮生唱請宣講

上諭司講生按次講畢退望日儀同

迎春

每歲預期塑造春牛並芒神立春前一日各官吉服迎于東郊祭勾
芒神至本日衣朝服祭勾芒神訖各執綵仗正官擊鼓三聲環鞭土

牛者三

耕藉

每歲仲春亥日巳時祭

先農壇午時行耕藉禮

祭品

帛一 白色

羊一

豕一

鉶一

籩四

豆四

簠二

簋二

爵三

祭日各官衣朝衣禮生引承祭官至拜位贊唱執事者各司其事陪祭官各就位承祭官就位贊唱瘞毛血禮生引詣盥洗所贊盥洗淨巾引詣香案前贊迎神行二跪六叩頭禮興行初獻禮引詣

神位前跪奠帛獻爵叩頭興詣讀祝位跪衆官皆跪宣祝文畢叩頭興引唱復位贊唱行亞獻禮引詣

神位前跪獻爵叩頭興復位贊唱行三獻禮如亞獻儀贊唱飲福受胙引詣飲福受胙位跪飲福酒受福胙叩頭謝胙興復位贊唱徹饌送神行二跪六叩頭禮興贊唱司祝者捧祝司帛者捧帛各詣燎所贊

唱詣望燎位焚畢揖復位贊唱禮畢各官更蟒衣詣藉田行耕藉禮
正印官秉耒佐貳執青箱播種各官俱用右手扶犁左手執鞭各行
九推禮農夫終畝耕畢各回官廳更朝衣望
闕恭行三跪九叩頭禮

耕藉器物

農具一 赤色

牛一 黑色

籽種箱一 青色

文廟

漢高帝過魯以太牢祀孔子詔諸侯王卿相至郡先廟謁而後從政
邱竄山曰此祀孔子之始亦官員至任謁廟之始隋文帝初詔國子
寺每歲以四仲月上下釋奠先聖先師州縣學以春秋仲月唐太宗
詔州縣皆立孔子廟宋太祖幸國子監詔祭文宣王用一品禮立十
六戟于廟門因曰戟門明洪武初年詔正諸神封號惟孔子封爵仍
舊每年春秋丁祭十五年始詔天下儒學通祀孔子頒釋奠禮二十
六年頒大成樂器於天下府州縣

國朝康熙二十五年

御製

至聖先師孔子贊并序暨四配贊

頒行天下府州縣儒學勒石于櫺星門外

御製

至聖先師孔子贊

并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文

武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終廢秩然大經百家紛紜殊途異趣日月無踰羹墻可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高萬仞夫子之堂孰窺其藩孰窺其徑道不遠人克念作聖

御製顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

御製曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

御製子思子贊

於穆天命道之大原靜養動察庸德庸言以育萬物以贊乾坤九經
三重大法是存篤恭愼獨成德之門卷之藏密擴之無垠

御製孟子贊

哲人既萎楊墨昌熾子輿闢之曰仁曰義性善獨闢知言養氣道稱
堯舜學屏功利煌煌七篇並垂六藝孔學攸傳禹功作配

御定至聖先師之稱 順治十四年

御書萬世師表額 康熙二十三年

御書生民未有額 雍正三年

御書與天地參額 乾隆三年

每歲春秋上丁日致祭正殿

至聖先師孔子神位

祭品

帛一 白色

牛一

羊一

豕一

登一 大羹

鉶二 和羹

簋二 黍飯

簋二 稻飯

饗十

棗一

菱一

葵一

鹿脯一

形鹽一

豆十

韭菹一

芹菹一

菁菹一

笋菹一

醯醢一

酒罇一

白磁爵三

凡

先師位獻爵三羹次之大羹居中和羹居其左右黍稷次之黍左稷右稻
梁次之稻左梁右籩之實居左形鹽棗魚棗栗一行榛菱芡鹿脯一
行白餅黑餅一行豆之實居右韭菹醢醢菁菹鹿醢一行芹菹兔醢
、笋菹魚醢一行脾析豚胎一行香燭在其前幣奠于筐在香港燭之前
太牢又在其前牛居中羊左豕右牛解五體羊豕全體大香爐又在
其前左右大燭讀祝案又在燭之左

以上通志

四配

復聖顏子 名回字子淵魯人黃帝之後

宗聖曾子 名參字子輿魯南武城人鄒國之後

述聖子思子 名伋孔子之孫伯魚之子

亞聖孟子 名軻字子輿一字子車魯公族孟孫之後

祭品

帛四 白色

豕一

羊一

鉶一 和羹

簠二 黍飯

簋二 稻飯

籩八

榛一 菱一 芡一 棗一 栗一 鹿脯一 形鹽 棗魚一

豆八

菹一 醢一 菁菹一 兔醢一 魚醢一 笋菹一 鹿醢一 芹菹一 片醢一

酒罇一 白磁爵三

十二哲東六位

閔子損 字子騫魯人其先魯公族

冉子雍 字仲弓魯人

端木子賜 字子貢衛人

仲子由 字子路一字季路魯之卞人

卜子商 字子夏衛人

有子若 字子有一字子若魯人乾隆三年升祀

祭品六案

帛一 白色 豕一 鉶各一 和羹

籩各四 各粟一 各栗一 各鹿脯一 各形醢一

豆各四 各藟菹一 各芹菹一 各兔醢一

十二哲西六位

冉子耕 字伯牛魯之鄆人仲弓之族

宰子予 字子我魯人

冉子求

字子有仲弓之族

言子偃

字子游吳人

顓孫子師

字子張陳人

朱子熹

字元晦一字仲晦徽之婺源人康熙五十三年升祀

祭品與東六位同

東廡先賢

蘧子瑗

字伯玉衛大夫嘉靖九年改祀于鄉雍正二年復祀

澹臺子滅明

字子羽魯武城人

原子憲

一曰仲憲字子思魯人一曰宋人

南宮子縉

一名适又名說字子容孟僖子之子孟懿子之兄居南宮因姓

商子瞿

字子木魯人

漆雕子開

字子若蔡人一云魯人

司馬子耕

家語名犁字子牛本宋桓氏

巫馬子施

字子期陳人史記曰魯人

顏子辛

字子柳魯人史記作顏幸

曹子邴 字子循蔡人

公孫子龍 字子石楚人

秦子商 字不茲魯人史記字子不鄭康成曰楚人

顏子高 家語作顏刻字子駟

壤駟子赤 字子徒家語作穰徒作從秦人

石子作蜀 字子明家語石子蜀成紀人

公夏子首 字乘家語公夏守字子乘一字子元魯人

后子處 字子里家語石處字堅之齊人

奚容子藏 字子哲家語奚藏字子偕魯人

顏子祖 字襄家語顏相字子襄魯人

勾子井疆 字子疆一字子野家語勾作勾術人

秦子祖 字子南家語字子曰秦人

縣子成 字子祺家語子橫魯人

公祖子句茲 字子之家語無句字魯人

燕子伋 字思家語作伋字子思秦人

樂子欬

家語樂欬字子聲魯人

狄子黑

字晉家語字晉之一字子晉衛人

子蔑子

家語作弗魯人子蔑其字夫子兄孟皮之子

公西子蒧

字子上家語作子尙魯人

顏子之僕

字叔家語字子叔魯人

施子之常

字子恒魯人

申子楨

字子周魯人

左子丘明

中都人楚史倚相之後或曰魯人

秦子冉

字開志云蔡人嘉靖時罷祀雍正二年復祀

牧子皮

韓失祀雍正二年以見于孟子因增祀先賢

公都子

孟子弟子從祀孟廟雍正二年升祀孔廟

公孫子丑

齊人從祀孟廟雍正二年升祀孔廟

張子載

字子厚世大梁人父迪仕涪州卒于官僑寓鳳翔郿縣橫渠鎮

程子頤

字正叔明道先生之弟

東廡先儒

公羊氏高

齊人受經於卜子夏

孔氏安國

字子國魯人孔子十一世孫

毛氏萇

字默一字長公趙人

高堂氏生

字伯漢魯人

鄭氏玄

字康成北海高密人嘉靖時改祀于鄉雍正二年復祀

諸葛氏亮

字孔明瑯琊陽都人雍正二年從祀

王氏通

字仲淹其先太原祁人後家河汾

司馬氏光

字君寔陝州夏縣人

歐陽氏修

字永叔廬陵人

胡氏安國

字康侯崇安人

尹氏焞

字彥明一字德充世爲洛人雍正二年從祀

呂氏祖謙

字伯恭號東萊婺州人

蔡氏沉

字仲默元定次子建陽人

陸氏九淵

字子靜金溪人

陳氏淳

字安卿龍溪人雍正二年從祀

魏氏了翁 字華父浦江人雍正二年從祀

王氏栢 字會之婺州金華人雍正二年從祀

許氏衡 字仲平河內人

許氏謙 字抑之金華人雍正二年從祀

薛氏瑄 字德溫河津人

王氏守仁 字伯安餘姚人

羅氏欽順 字允升號整庵泰和人雍正二年從祀

陸氏隴其 原名龍其字稼書平湖人雍正二年從祀

祭品

帛一 白色

豕三

每案簋一

各黍飯一
各稷飯一

簋一

各稻飯一
各粱飯一

籩四

各棗一
各鹿脯一

各栗一
各形鹽一

豆四

各菁菹一
各鹿醢一

各芹菹一
各兔醢一

銅爵各一

西廡先賢

林子放 魯人石室闕字子邱嘉靖九年改祀於鄉雍正二年復祀

宓子不齊 字子賤魯人

公冶子襄 字長魯人史記云齊人字子襄

公哲子哀

字季沉史記作季次齊人系出姬姓

高子柴

字子羔桓弓作子阜齊人

樊子須

字子遲魯人

商子澤

字子季魯人許衡云齊人

梁子鱣

字子魚史記字叔魚齊人

冉子孺

字子魯家語作子魚魯人

伯子虔

字子析家語字子楷魯人

冉子季

字子產魯人

漆雕子徒父

字子有魯人家語漆雕從字子文蔡人子開之宗族

漆雕子哆

家語哆作侈字子歛魯人

公西子赤

字子華魯人

任子不齊

字選家語字子選楚人

公良子孺

字子正一作子幼陳人

公肩子定

字子中家語字子仲魯人

鄔子單

字子家衛人家語未載後人謂卽家語所載縣甕今縣甕已另入祀矣

罕父子黑

字子索一字子素魯人

榮子旂

字子棋魯人

左子人郢

字行家語作左郢字子行魯人

鄭子國

字子徒魯人一作薛邦

原子亢

字籍家語作原桃字子籍魯人

廉子潔

字子曹史記字庸衛人

叔仲子會

字子期魯人

公西子輿如

字子上魯人

邾子巽

字子歛家語字子歛魯人

陳子亢

字子禽一字子亢陳人

琴子張

字子開家語名牢字子張

步叔子乘

字子車齊人

秦子非

字子之字人

顏子噲

字子升魯人

顏子何

字冉索隱云字稱嘉靖時罷祀雍正二年復祀